

偃師金石遺文補錄

偃師金石遺文補錄卷十三

邑人武億虛谷原纂

秀水王復秋脞續補

金

修王弼墓碑

佚

金石攷城東三里有冢巍然南百餘步石表在焉已
顛仆斷缺辨其文爲王輔嗣先生墓乃金忠顯尉行
河南府偃師縣主簿兼尉鮮于淵所立時明昌四年
八月望日也見元陳思忠記

童鈺案王弼墓據水經注在偃師西鮮于淵誤以偃師東大冢當之

緱山廟詩石碣

存草書今在縣學明倫堂

億

案緱山廟詩云緱山突兀上空虛古柏森森幾萬株一自吹笙仙去後乘鸞曾返故鄉無後題永安丁巳十一月十四日滹南老人書攷滹南老人爲王若虛字從之棗城人擢承安二年經義進士釋褐鄆州錄事歷門山令入翰林自應奉轉直學士金史有傳著有滹南遺老集今石碣刻此詩卽其自作也亦見

本集

重修仙鶴觀記

補

存正書大安歲在協洽十一月在本觀

習進士武揚撰并書丹

進士呂汝明篆額

老氏之口從來尙矣口後祖道之元至于口世作則從
長以口教有故自珠懸一粒僊風並著于敷口龍出九
泉口口愈彰于當世自時厥後或宮口觀郊邑相望及
其興口之因有自來矣今茲仙鶴觀乃唐之天后塋太
子于邑之東北嶺上及行事日祥雲縹繞僊鶴徘徊故

于嶺之南建觀一所賜其額曰仙鶴觀此其然也

缺歷

宋年祀繇遠庭院荒口口殿頽毀至慶歷間邑中安中素等口人特發虔誠得請于有司遂遷其觀于邑之西南隅乃今之口口隅也中素又施地二十八畝三分口爲觀院復修一堂五殿東廚西舍制度得中不厯不厯經之營之不日成之乃請紫衣左慶之住持長爲口乏民祈福禳災之地不其偉歟後值正隆南征已來屢經兵革河南宮觀十廢七八此觀雖存又見荒廢甚于慶歷之前至大定年民稍休息凡事草創縣廢爲鎮亦已久矣口髮舊德百無一二惟韋宗文張侃王珪乃鄉里

舊人也亦發誠口請上座道士李守政住持其人乃絳
州曲沃縣玉皇觀受業性好方術尤精于齋醮既住之
後乃招集賢士嚚嘑道員涵泳聖涯誦口之餘日口無
穢其損廢堂殿盡欲一新又得師弟張居湛年七十餘
善栽種不數年前後空地盡成諸雜果實三百有餘本
歲有所獲皆爲道口口口之口豈小補哉後口五口口
守道坐誤傷人命罪連在觀住道口齋糧掃地而盡其
前後果園北堂西舍俱爲富民趙林所有觀主李居善
同弟李居口與耆老叔父口口衆徒似有難色書不云
口至誠感神況口人乎更賴聖賢口口口口心奉道

口元三人□□□□之後施□□觀□□之際惟一堂
二殿未能修復觀主□□□有□病熱數日而卒所試
度徒二人□□天年□終李守政□今之□□者亦已
久也質直而好義寬裕而容衆敬于鄉里孝于長上缺
皆完之又創廚房客舍□門□□□南院牆一切周圍
每□□壇宇□備香火及過往高□方□□□但到觀
者皆有湯茶缺少□□而所謂善繼人之志善述人之
事者□□□一缺爾來多病缺自伐者無功自矜者不
長今欲列石爲記又急于人知而自矜伐也對曰不然
守政缺之門缺修等缺已告祖傳之守政雖無難色但

勉雖守道

缺

不知

缺

使後人

缺

務而成之亦不可容易

而口也此其志矣僕乃嘉其志而姑叙其歲月攻造之

實興廢之由庶幾

缺

住持者有所效云爾

聖朝大金太安歲在協洽冬十有一月旁生魄知觀道士李守政立石

復

案記前題習進士武揚撰并書丹進士呂汝明篆

額金制試詞賦經義策論中選者謂之進士此云習

進士蓋據其所業書之與宋修湯王廟記稱鄉貢三

體張宗立同文

投龍記

存正書重刻在縣南緱氏鎮仙鶴觀

宣元投龍使體元大師中都太極宮提點李太汝廣道
全練師劉道元道奉聖旨欽詣嵩山靈嶽投送金龍假
道如此宿僊鶴觀賴主公鄉友宗人見勞以清茶談心
終夜不能已已因誦石刻端明侍郎詩天后韻偶得拙
惡漫次其韻呈仙鶴主人以爲後時故事皆大金崇慶
改元二月春五十四日也

億

案碑鍊作練遵作道重刻者誤也投龍在嵩山石
刻金元較夥或莫知其所起攷隸續載魏修老子廟
詔碑下方有唐開元天寶間題字數十行乃真源縣

令邵斯記祠醮投龍等事然則投龍之起所從來已
遠而世顧不知攷其于記載爲疎也碑後詩三首卽
李廣道所題婉約得風人之旨採金詩者尙未收及
因附著之

故人情話說無闌遙夜挑燈語笑間不意得經緱氏
嶺天教有分看仙山

嚴鼓嫫嫫更已闌炷香危坐靜吟間因思子晉飛仙
後更有何人復此山

風馬鏗鏗清夜闌似聞笙韻過雲間當年仙馭知何
在不住蓬山卽浪山

重修岱嶽廟碑

存正書在縣城隍廟今移入明倫堂

殷湯之世盤庚五遷河南西亳卽其地也又周武王伐紂旣畢倒載干戈偃武之處故名偃師焉唐宋五代史時縣中焚毀殆盡唯存三廟兩寺邑東道南有中天廟緣兵革之後邑人更爲岱嶽之廟東門之內街北有口神霄宮舊基口以爲便自大定年間居人遷其廟於此修完口稍成就貞祐有詔得以在處神祠聽立寺口名額道士絳陽李德如慨然有志勸率邑中豪右商度置爲岱嶽觀命羽流延奉上真香火亦因前所謂神霄

口之舊址宜其復爲道口焚修住持之所豈非預定之
祀口歟僕此邑之頗老者又喜李君之用心如此故勉
爲之記皆貞祐四年季夏望日

億案記文於岱嶽廟興廢修復始末完具亦方志之
考也記稱唐末五代史時史蓋衍文耳記朝代無以
書名關入者

岱嶽觀勅牒石刻

補

存正書貞祐二年七月

尙書禮部

行宮禮部觀口來字號第十六

河南府口口口李德和本府偃師縣坊郭人戶張完

卷之三
等於本縣岱嶽廟係古蹟有□□□□并諸□聖像買
到空名勅□□□告乞書填岱嶽觀須至給付者牒奉
可 岱嶽觀牒至准勅故牒

貞祐二年七月

員外郎

翰林學士中大夫知制誥尚書禮部郎中完顏

押

中順大夫尚書禮部侍郎兼提點司天臺楊

翰林學士承旨榮祿大夫知制誥兼禮部尚書修國史
張

尚書禮部封

復案勅牒尙書禮部下注行宮禮部字于時貞祐南
遷故有行宮禮部之設其道觀名額得以鬻買亦由
濟軍興也後列銜有四員外郎不書氏蓋官有關員
翰林學士中大夫知制誥尙書禮部郎中完顏中順
大夫尙書禮部侍郎兼提點司天臺楊翰林學士承
旨榮祿大夫知制誥兼禮部尙書修國史張三人惟
完顏下書一押字金史楊雲翼貞祐二年起授前職
吏部郎中三年轉禮部侍郎兼提點司天臺勅牒刻
石在二年題銜已稱禮部侍郎云而傳云三年非
也宜依石刻爲正張行簡傳泰和六年召爲禮部尙

書又云累遷太子太保翰林學士承旨尙書修史如
故貞祐初轉太子太傅攷此記末所題卽行簡也

故少中大夫御史程君墓碑

存正書在縣南程家村中統四年七月

河東元好問撰

東勝李微書

欒城李治題額

君諱震字威卿先世居洛陽元魏遷兩河豪右實雲中
三州遂爲東勝人曾大父獲慶大父總質直尙氣鄉人
有訟多就決之至於婚嫁喪葬不能給者亦借力焉父

元自少日用俠聞嘗與羣從分財多所推讓州里稱
之後以君貴封少中大夫雷內翰淵述世德之舊脩矣
少中子七人長曰鼎臣孝友仁讓閭門肅睦有古君子
之風以六赴廷試賜第調濮州司候判官次曰雷由武
升起身官懷遠大將軍行軍副統君其第三子也資嚴
毅雖所親不敢以非禮犯之幼日夢人呼爲御史故每
以諫輔自期章宗明昌二年經童出身補將仕佐郎泰
和中年乃注授臨洮府司獄忻州司候判官以廉幹爲
西南路招討司奏辟提控沿邊營城糧草尋擢王綱勝
詞賦進士乙科換偃師主簿宣宗幸汴梁入爲尙書省

令史時相知其可用不半歲特授南京警巡副使秩滿
例爲廣盈倉監支納官與定初辟舉法行用薦者除陳
留令將之官自府尹言縣務不治令自任其責丞簿佐
史輩無預焉幸無擾之使令得盡力尹諾之旣到官事
無大小率自負荷次官奉行而已時秋大旱冬十月乃
雨歸德行樞密院發民牛運糧徐邛君爲使者言吾麥
乘雨將入種牛役興則無來歲矣使者不能寬十日程
耶民事果集雖乏軍興吾不辭也使者怒而去君力畢
農種糧運亦如期而辦行院仍奏君要譽小民不以軍
食爲急朝廷不罪也旣受代大司農奏課爲天下第一

御史臺察能吏亦爲奏首且言可充臺諫京東總帥府
奏辟經歷官不許乃拜監察御史君蒞職慨然有埋輪
之志卽劾奏平章政事荆王以陛下之子任天下之重
不能上贊君父同濟艱難顧乃專恃權勢滅棄典禮開
納貨賂妄進退官吏從臾奴隸侵漁細民名爲和市其
實脅取諸所不法不可一二數陛下不能正家而欲正
天下難矣書奏宣諭御史臺程震敢言如此他御史不
當如是耶且有旨切責荆王出內府銀償物直敕司馬
杖大奴尤不法者數人於是權貴皆爲之斂手東方頻
歲饑饉盜賊蠭起特旨以君攝治書侍御史兼戶部員

外郎運京師糧八萬碩賑徐邳君經畫饒道十里一置驛羅弓刀以防寇敎具斧斤以完器用備醫藥以起病疾勸助借以通留滯輦運相仍如出衽席之上飢民踵來凡所以爲貸爲糴爲賑贍計度肥瘠無一失其當州民請於京東帥司願留我程御史以福殘民帥司奏君爲行部官詔再往徐邳荆王積不平密遣諸奴誘姦民徐璋造飛語訟君於臺諸相不爲奏而王獨奏之宣宗頗直君欲勿問王執奏再三乃從之時太子領樞密院事遣醫藥官王子玉諭旨推問官程御史爲縣治行第一監察又稱職有罪無罪勿爲留難已而璋伏誣告君

當還臺在律官人與部民對訟無罪猶解職王風大理
寺御史言天下事在所皆部民竟用是罷官君泰然自
處都無已仕之愠聚書深讀蓋將終身焉天不假年以
正大元年三月二十有一日春秋四十有四終於京師
嘉善里之私第積官少中大夫夫人史氏封安定郡君
先君歿子一人思溫舉進士四弟皆補君廢願監西木
場晉監楨州稅務恒監緱氏酒務升宣授招撫使以是
年十月二十有七日舉君之柩柩于金昌府芝田縣官
庄里少中君之新塋禮也嗚呼生才爲難盡其才重爲
難使君得時行道坐於廟堂分別賢否其功烈可量也

金石錄卷之三
哉方行萬里而車折其軸有才無命古人所共歎雖然
地遠而位卑身微而言輕乃以一御史犯強王之怒卒
使權貴落胆縉紳增氣雖不遇而去信眉高談亦可以
無媿天下矣尙何恨耶乃爲之銘曰

曲士賣直見豺而慄鄙夫媼媼與鳧同波犯父子之至
難孰絞許而上劓橫潰我障剛瘳我訶鍊心成補天之
石奮筆爲却日之戈古有之和臣不忠忠臣不和彼容
容者之所得奚後福之能多有山維崧有水維河程君
之名永世不磨

中統四年歲次癸亥秋七月己卯朔弟恒建

元遺山集御史程君墓表略云震字威卿父德元用君貴封太中大夫雷內翰淵述世德之舊脩矣子八人君其三子卒附于金昌府芝田縣某里太中君之新塋禮也

金石攷至大七年元好問撰志云程氏先塋尙有雷淵王思廉所撰碑

童鈺案程氏塋在今緱氏東程家村東據元好問墓表稱太中大夫而舊府縣志俱以爲少中大夫似誤
億案程震金史有傳皆約取遺山此碑中有少異者傳言與其兄鼎俱擢第碑云少中子七人長曰鼎臣

較史稱單名者不符碑下刻震兄內有雷亦一字單名而長獨雙名莫知其義也或臣字當作以字以字連下讀字形涉似勒石者誤耳傳載劾荆王語全舉碑文後言未幾坐爲故吏所訟以此質之碑所謂荆王積不平遣諸奴誘姦民徐璋造飛語訟君子臺已而璋伏誣告君當還臺在律官人與部民對訟無罪猶解職王風大理寺御史言天下事所在皆部民竟用是罷官然則部民亦鍛鍊文致之語其非故吏益明也史文欲約其事而義反不著皆此類也碑言芝田縣官庄里今官庄在新氏鎮東南十餘里又碑前

題兩程夫子之後妄庸人附會誤鐫耳碑中統四年立金石攷乃謂至大七年若未覩此碑者皆疎舛之甚也又童氏據遺山集云太中大夫當由未見石揭今碑正言少中大夫足徵舊府縣志非誤而遺山集傳刻者誤也

中州金石記少中大夫御史程震神道碑碑云耐于金昌府芝田縣官庄里少中君之新塋按曹植洛神賦云秣馬乎芝田太平寰宇記云緱氏縣芝田鄉在縣北金史地理志河南府興定元年八月曰金昌縣有芝田宋名永安貞元元年更補

復案碑河東元好問撰東勝李微書樂城李治題額
予以遺山集本校之懷遠大將軍行軍副統集無行
軍副統四字尋擢王綱榜集作剛不能正家而欲正
天下集無欲字程震敢言如此集作程某時太子領
樞密院事集作哀宗時在春宮先君沒集作先君三
年歿四弟皆補君廕頤監西木場晉監楨州稅務恒
監緱氏酒務升宣授招撫使集本無正大元年十月
二十有七日集作某年月日官庄里集作某里此數
事皆集本不備未若石本之審碑載震拜監察御史
卽劾奏平章政事荆王金史本傳亦作荆王攷歸潛

志興定初召百官舉縣令公得陳留陳南都屬邑頗
繁公治爲河南第一召拜監察御史時皇子英王爲
宰相家僮輩往往恃勢侵民公以法劾英王怒未幾
坐爲故吏所訟罷官與碑相符然荆王傳貞祐四年
拜平章政事興定三年三月進封英王時監察御史
程震言其不法宣宗切責杖司馬及大奴尤不法者
數人是震上劾時守純正爲英王至程震傳作荆蓋
其後哀宗正大八年始進封如是則興定時未當稱
英王宜依歸潛志及守純傳爲正若杖司馬及大奴
程震傳無杖司馬字當據碑作勅司馬杖大奴非杖司馬也震

本傳錄其治行過畧得此碑互舉之益見威卿所蒞
有蹟如此碑前稱東勝李微書元史陳祐傳爲河南
府總管下車之日首禮金季名士李國維楊杲李微
薛元咨訪治道碑稱東勝李微蓋卽其人

豐師金石遺文補錄卷十三終

邑人

徐武穆
宣方于校

偃師金石遺文補錄卷十四

邑人武億虛谷原纂

秀水王復秋塋續補

元

加封大成至聖文宣王碑

補

存正書大德十一年七月在文廟

上天眷命皇帝聖旨蓋聞先孔子而聖者非孔子無以
明後孔子而聖者非孔子無以法所謂祖述堯舜憲章
文武儀範百王師表萬世者也朕纂承丕緒敬仰休風
循治古之良規舉追封之盛典加號大成至聖文宣王

遣使闕里祀以太牢於戲父子之親君臣之義永惟聖
教之尊天地之大日月之明奚罄名言之妙尙資神化
祐我皇元主者施行

大德十一年七月 日

復

案加封詔文後題大德十一年七月元史祭祀志

大德十年廟成至大元年秋七月詔加號先聖曰大
成至聖文宣王于時武宗旣立秋七月猶未改元故
碑仍稱大德十一年所書爲實而志稱至大元年非
也

加封孔子詔碑陰

補

存正書至大三年八月在文廟

書丹篆額官

前集賢待制朝列大夫河南府路同知河南府事徐鳳
書丹

前安西路記室參軍奉訓大夫乾州知州兼管本州諸
軍奧魯勸農事薛友諒篆額

立石官

進義校尉偃師縣達魯花赤兼管本縣諸軍奧魯勸農
事阿里回

從仕郎偃師縣尹兼管本縣諸軍奧魯勸農事張益

進義校尉偃師縣主簿趙瑞

偃師縣典史李天譽

偃師縣儒學教諭雷謚

直學陳好信

齊長劉孝祖

司吏姬孝忠安毅楊通王舉安劉孝讓

書狀人張公弼

貼書王諒鄭居仁王好義鄭國讓張克讓申智張敬李
從善郭革高居仁郭通白居易

偃師縣稅使司官

在城務提領夏守忠

在城務大使張齊政

在城務副使李裕

耆老人劉祐王信程恒李聚張炳穆禎張汝翼許讓劉
炳房慶宣王請張成李仁甫張伉梁用劉弼

知廟李成

石匠作頭李仁

洛陽劉德思刊

至大三年八月初三日立

復案加封孔子詔碑書勢最圓勁惜不得書人名氏

金石錄卷一百一十五
三
今按碑陰乃爲前集賢待制朝列大夫河南府路同知河南府事徐鳳書丹故喜爲拈出之又立石官進魯花赤阿里回縣尹張益主簿趙瑞典史李天譽儒學教諭雷謚稅使司官在城務提領夏守忠大使張齊政副使李裕縣志皆不列職官表宜據此補入徐鳳同知河南府事府志亦闕載又元石刻列銜多以卑員先書次及于尊此碑以立石官監縣先書次及尹簿尉典史蓋又由尊而卑亦異例也

故中順大夫河東山西道肅政廉訪使程公神道碑銘
有序

存正書在縣南程家村

翰林學士中奉大夫樞密院判官王思廉撰

翰林直學士朝列大夫知制誥同修國史劉賡書并篆額

元貞丙申正月十六日河東山西道肅政廉訪使程公以官壽薨于太原二月三日歸柩汴梁缺姪狀公行實

來請銘按公諱思廉字介甫姓程氏上世洛陽人元魏徙兩河豪右實雲中三州因著籍東勝公處士諱總之曾孫贈少中大夫安定郡伯諱德元之孫宣授汾邊監權規運使解缺諱恒之子妣口氏公始知讀書從樞判

白公學故文筆論議皆有師法中統建元用太保劉文

貞公薦事裕宗皇帝于春宮服勤守恪特被差遇令監

印宥省至元七年樞副合丹公以平章政事領缺行省

遷署都事缺二年轉同知淇州事力辭養親繼丁外艱

服除授東平路判官入拜監察御史十六年出簽河東

山西道提刑按察司事俄遷河西隴右道副大使徙河

北河南山東東西兩道未幾陝西行省缺興元路總管

明缺進陝西漢中道至元二十六年雲南立行御史臺

擢拜中丞今上兩位改河東山西道肅政廉訪使公識

見明敏沈毅果斷筮仕之初年尙少言動有節望之儼

然同列雖親密者亦不敢以狎褻及之由是見知時宰
有都司之辟竭力參贊事有當行惟恐或後丞相史忠
武公每加獎拔幕府有疑忠武之徇公者時規取襄樊
供億浩穰公視出納綽有餘裕初築新城於江北缺以
足兵食委公領其事倉廩未完米多露積一夕大雨諸
相以爲憂使人覘公方安臥帳中召而詰之公徐曰敵
在邇常宜鎮靜縱有漂濕所損幾何不過軍士一日糧
耳若中夜搖動衆必驚惑事變之來殆有不可勝言者
矣聞者韙之簡書之隙究心營繕舟車器仗靡不犀利
嚮之見疑者始以忠武爲知人公之世父治書公金南

渡後嘗爲監察御史正色立朝不畏彊禦及公嗣職慨

然有齊美之志彈姦臣阿合馬輩

缺

至陷

缺

居之泰然

其黨巧爲機穽卒不能傷出簽提刑司事也

缺

糾趨不

克殫紀其尤者大同楊刺真等犯酒禁有旨誅之公以

其罪不至死論列數四其忠君守法如此其赴河北河

南也道彰德聞兩河凶歉民口食而官府徵租甚急欲

止之有司謂法當上稟不敢專擅公曰若口常例比得

請民已罷於句呼矣卽移文停催然後申明省臺果獲

蠲除僚友有當鞠獄鄴中而不果行者公乃請代至則

詳究本末盡得其

缺

數二十年河北復饑民多轉徙於

南朝廷遣使與汴梁官屬會憲司官於河上以阻之公

與總管張侯決議放渡既而列上亦賜允俞是秋霖雨

大河清沁皆泛溢爲衛輝懷孟缺公缺賑貸全活甚衆

水浸衛城不沒者數板適郡僚各以事出缺與屯戍萬

戶張侯集軍民發倉廩缺築隄防缺捍缺衝晝夜督促

暴露城隅越數旬功始就至今大水不復爲患衛人德

之興元命下公缺時尙書省丞相桑哥用事頤指所及

竭蹙奉承親舊力勸之公以太夫人年將九十旁無兼

侍缺致弗充不聽缺得告而後已嗣有陝西漢中之行

亦極力勾免杜門家食慈母孝子懽然一堂若將終身

焉缺

年丁內艱哀毀過禮見者傷之雲南去京師逾萬

里朝議以爲振舉綱維肅清風憲綬輯遠人非公不可

乃起公或謂跋涉勤苦且未終制公必不拜公乃曰前

此三除昧死陳請蓋以老母故也今

缺

力絕域以贖前

過市踰小祥卽素服就道旣蒞事遇戒勅典兵之官牧

民之吏主刑名司廩庫各謹爾職毋致人言自是上

缺

新舊染雲南有孔子廟月朔望長吏便衣拜謁而已教

官雖設一無從口之士公乃舉春秋釋采之禮先於所

治中

缺

府集行省臺以下諸官百餘口以行祀事屬城

化之有遣口弟受業者公之不鄙裔夷

缺

誠敦教又如

此河東地瘠民貧仍遭旱暵公奏除歲餉視王

缺政十

之九所輸租稅易遠倉爲近倉以便民歷年積弊前政
口洗湯一空鄰境之人口知嚮慕竟因是得疾公頻用

缺

剛稜疾惡恒以古人自期晚年言事尤切直如早建

儲貳以固國本訪求賢偶用贊丕圖車服辨尊卑之差

封諡表忠勤之實養軍力以

缺

所臨擾民不急之役

缺

禁止晨

缺

庠序檢災戢盜尤所盡心至忘飢口平居不

好博奕不事生產惡衣菲食無難色與人交愈久而情

好愈篤不以貲錢爲輕重或有疾病死喪

缺

後仍爲之

律

缺

家事

缺

規子孫不少衰減其於

缺

厚者也恬於進

取勇於爲義臥病太原未得謝口力疾視事一旦索紙

筆作遺書寄弟姪翌日飲啖缺客退易缺不屈之氣充

養有素故於死生之際明了如此僚吏士口私親靈輅

所經皆盡哀致奠則公之爲人概可知矣享年六十有

二夫人鄭氏婦道可稱前公卒今缺臨潢之甲族也明

悟口重持家有法缺氏二幼在室以大缺二日塋公於

洛陽緱山先塋之次禮也銘曰斤斤程公出遭盛時儒

素世家孝友口資揚歷中外材可吏師口凜口臺風生

憲司去惡如草遇民如兒捍患禦災奚翅已私缺一去

必見思用夏變夷悅禮敦詩惟是頑獷化而柔慈萬里

來歸

缺

不絲養吾浩然豈其餒而望公廟堂口疑龜著

今也柰何

缺一

有韞於中未究設施不龍不蛇賢人嗟

咨有巍者碑銘以昭之公有遺恨吾無愧辭

缺

三年歲

次庚戌夏四月

缺

日第十三姪程昶第八姪孫程址

并孫婦口氏等立石

億

案碑載思廉父歷官內解字下缺以史補之當爲

解州鹽使碑載至元七年樞副合丹公以平章政事

領

缺

行省證之元史世祖紀七年以同知樞密院事

合答爲平章政事卽其人然碑言合丹與本傳同而

紀言合答當由譚字有異也碑載二十六年雲南立

行御史臺本紀及百官志并列入二十七年計數差
隔一年惟本傳作二十六年傳依據碑文爲正其紀
與志所載殆史文之誤也史爲思廉傳皆取碑所記
唯論列楊刺真犯酒禁未嘗脩書耳傳載謚敬肅而
碑不載此又可互證也

復案程思廉神道碑翰林學士中奉大夫樞密院判
官王思廉撰翰林直學士朝列大夫知制誥同修國
史劉賡書并篆額二人元史並有傳思廉成宗時遷
中奉大夫翰林學士仍樞密院判官與碑題銜合賡
大德二年陞翰林直學士六年奉使宣撫陝西由侍

講學士陸學士其於朝列大夫知制誥同修國史未
之書也碑稱思廉中統建元用太保劉文貞公保薦
文貞劉秉忠也傳載至元十二年贈太傅封趙國公
諡文貞成宗贈太師諡文正文仍稱前諡是思廉爲
文時猶未改諡也碑又載介甫十六年出簽河東山
西道提刑按察司事俄遷河西隴右道副大使徙河
北河南山東東西兩道傳惟以累遷河北河南道按
察副使舉之殆失于畧矣最後紀立石年月惟有三
年歲次庚戌以紀元彙攷推之武宗至大三年爲庚
戌是碑之建當卽于此

王十一建經幢

存正書皇慶二年三月在縣西土樓村北莊嚴寺

永慶寺地界施狀石刻

補

存正書延祐二年二月在永慶寺

皇帝福廕裏都行省相公下管民官袁元帥徒單總把等今爲裕公長老和尚一行僧衆數多見行修完少林永慶二處佛殿房廊功德等見爲寺下別無養種去處今來衆官人等一同商議定將永慶寺週迴見荒閑地土自願布施與裕公和尚充少林禪寺并永慶寺下常住永遠佃種爲主供佛齋僧每日誦念經文祝延皇帝

聖壽無疆者其地東至南北古道溝南至北城壕心西至南北古道北至河心爲界其地四至分明於內應有樹木等盡係布施之數恐後无信故立施狀爲據大元

癸卯年四月 日

總帥袁成

總把徒單進忠

總帥靳榮

司吏靳甫

左右司參謀李彥

知事楊椿

金石記卷一
甲辰年永慶寺占到劉張保西上河灣菜園一所順河
灣三百步有餘七十五畝內有窯院三座東至朱君卿
地崖頭上小路爲界南至河心西至河心西北至小張
九地崖頭上小路爲界四至以裏地木相連並係寺家
爲主

大元延祐二年乙卯歲二月日係本縣供勘後上石
當代住持同衆知事等子潭立

復案石刻坎置寺壁記施地狀據首稱都行省相公
下管民官袁元帥徒單總把等元史百官志行中書
省與都省爲表裏國初有征伐之役分任軍民之事

皆稱行省狀稱都行省者謂都省行省也又載永慶寺周迴見荒閑地自願布施與裕公和尚充少林禪寺并永慶寺下常住永遠佃種云程鉅夫裕公碑元世祖命住少林屬嵩少煨燼之餘興仆起廢訓徒說法施者如嶽來者如歸市此記袁元帥諸人施地以見福裕爲世崇尙雖武夫悍卒亦爲之動也

重修宣聖廟記補

存正書延祐四年五月在文廟

中大夫奉元路總管兼府尹本管諸軍奧魯總管管內勸農事韓冲書丹

缺

大夫廬口路六安州知州兼勸農事古登可庵林

鶚篆額

商有三亳昔成湯所都更號爲殷口口亳口地口口口
口屬邑蓋武王伐紂築城於此息偃戎師後置縣事因
名曰偃師自昔文物爲盛舊有廟學巋然奈歲月滋久
未免風口口延祐丙辰秋八月東里賈侯源甫來尹是
邑下車之初恭謁口口口先聖廟學周視堂宇壞朽
腐敗懼弗稱崇尙口口口口口惟吾夫子有功德于
民萬世王事報其本缺聖天子軫念元元思賢求治興
學校設科舉口口口口口口口將俾日月所暨宣布

德澤者乎於是自達魯花赤明哈答兒□□□□□
□□□從事者割俸金鳩材庀工經費物色以邑之好
事者劉時董其役經始于延祐丁巳正月壬寅曰殿曰
廡□□□□□漏者完之摧折者易之漫漶者飾之
以楹計之十有六創建講堂東西二齋以楹計之有九
兩廡中七十子繪象具□□□於三月甲辰內樹佳木
外繞崇墉作櫺星門以臨通衢廟貌儼雅煥然一新湜
也承乏學職請紀始末文諸石湜固不得而辭也初侯
之營度也役不煩民勞於阜隸非明敏過人之才曷克
爾哉侯之政蹟惠愛洽於人心百姓歌舞之蓋治化之

所及也學校乃王政所先風化本源人材所自出之地
所讀者聖賢之書所守者綱常倫理推之天下旣和且
平非雕章繪句之流鬪靡誇多希世取寵爲事者旣不
深祖吾聖人詩書之教義理不根於心見利忘義非吾
所謂學也是邦也先有緱山先生致政居鄉里學者從
之游薰其德而才儁者較之他邦未嘗不以爲稱首侯
又能張大之將見西亳風化之美聞于天下非侯激勸
之方而誰與歸儒學教諭蒲坂宋湜再爲之記

延祐四年夏五月 日立石

司吏趙欽高德仁張英李君忠張敬

典史陳起

偃師縣尉楊禮信

承事郎偃師縣尹兼管本縣諸軍與魯勸農事賈淵

進義校尉偃師縣達魯花赤兼管本縣諸軍與魯勸農

事明哈答兒

中州金石記云碑云商有三亳昔成湯所都口號曰
殷卽西亳之地按書序云湯始居亳從先王居鄭康
成注云亳今河南偃師今有高庄在治西五里卽高
辛故都也皇甫謐好爲異論以爲湯都當在穀熟不
當在偃師穀熟卽今商邱乃湯始居之地後遷于偃

師耳謚知其一失其一矣碑稱武王伐紂築城于此
息偃戎師後置縣事因名曰偃師說與通典元和郡
縣志合偃師故周縣徐廣注史記云周比亡之時有
之補

復案宣聖廟記前列中大夫奉元路總管兼府尹本
管諸軍奧魯總管管內勸農事韓沖書丹□□大夫
廬口路六安州知州兼勸農事古登可庵林鶚篆額
文末題儒學教諭蒲坂宋湜記蓋以韓沖林鶚官位
顯故書銜在前非金石正例也賈淵修廟學始於延
祐丁巳正月成于三月其役不煩民而勞於阜隸所

謂以佚道使之也記又稱先有緱山先生致政居鄉
里學者從之遊元史陳天祥傳中統三年李璫叛據
濟南結宋爲外援河北河南宣慰司承制以天祥爲
千戶屯三汉口遇宋兵事平罷歸居偃師南山有田
百餘畝躬耕讀書從之遊者甚衆其居近緱氏山因
號曰緱山先生與記相符

假師金石遺文補錄卷十四終

邑人

徐宣方于校
武穆淳愚溪

偃師金石遺文補錄卷十五

邑人武億虛谷原纂

秀水王復秋塋續補

元

重修□□廟記

補

存正書泰定二年在治西杏園庄北舜帝廟

敦武校尉懷慶路河陽縣主簿王宗道撰

河南儒學直學孔道初書

□山之際有村曰昇陽村中父老郭其姓而祐其名者
子曰□曰王曰寶一家好善敬禮神明而家計頗有其

西南七八口口崇岡峻嶺之上有古來口帝之祠在焉
世无簷檻徑諸口口朽敗而不可觀者不知其歷幾百
年矣一日父子口口口舊李老曰吾等於斯感賴口口
慰藉者多矣每歲旱禱雨拜取聖水無不應又民間口
口歲時不乏安忍日視陵替而不爲興復者乎於是大
發口口慨然爲之一修剖割家資招募工匠抄集功緣
等乃口其弊之尤者先施焉補茸口殿改塑聖像又前
搆建神門三間左右太尉子孫神祠二所使其舊日不
可觀者煥然一新噫郭氏父子如是之善行於神明則
神之照鑒可不爲之一報福厚其子孫家世耶自茲以

往將見郭氏之後子子孫孫若春蘭之發生永永相繼

有慶而虞也

假師縣坊廓 昇陽庄 杏園庄 土樓村 寺庄保 新寨村

昔泰定二年夏五月 日郭貴□□□□等立石

復案記石頗有殘剝前列敦武校尉懷慶路河陽縣

主簿王宗道撰河南儒學孔道初書攷元史儒學提

舉司統諸路府州縣學校而諸路設教授及學正學

錄散府上中州亦設教授下州亦設學正至於縣不

載設官据他碑已設儒學教諭而此碑又有儒學直

學矣懷慶路者延祐六年以仁宗潛邸始改舊故爲

懷孟路也碑載昇陽村郭祐興復祠廟縣志於建置

脫記其事而新寨土樓杏園寺庄諸村堡并足以徵
古墟聚之名流稱至今故存錄之以徵遺聞

故尚鄉鎮三司使大使程公表墓碣銘并序

存正書天歷二年五月在縣南程家村

翰林直學士奉議大夫知制誥同修國史尚野撰

翰林修撰從仕郎同知

缺

兼國史院編修官鄧文源

篆額

公諱思茂字榮甫先世居洛陽上程聚西晉侍中咸封
上程侯元魏遷兩河豪右實雲中三州始居豐徙振武
凡四遷爲東勝人曾祖總四子少中德元德超德林德

懋公之祖也考魏

缺

妣武三世隱德公金泰和八年生

於雲中崇慶初少中府君第三子從伯父太中震調官
偃師始復先世居壬辰之變通爲東勝兵所執時有識
者且兵故佃人也少中第八子從叔父昭毅升以緡贖
歸處懷別業婢僕孳產盡付主之天性至孝其事昭毅
定省溫清如所生少中第二子從伯父懷遠雷在京宅
衣糧共具四時相屬初懷遠以父少中始塋緱山之索
亭原爲南渡第一祖儒林長兄太中弟祔焉久曠展省
不勝感慕青龍甲午天下甫定輒率公奔走先塋陵谷
變遷尋訪百至恍若陰相偶自民井怵見一穴持火下

視棺志宛然贈少中大夫輕車都尉安定郡伯德元也

缺

蹟旁近隱然二封鑿之乃儒林郎濮州司候判官贈

驍騎尉安定縣男鼎監察御史攝治書侍御史戶部員

外郎贈太中大夫加二輕車都尉進封安定郡開國伯

食

缺

百戶賜紫金魚袋震也而其地爲秦姓者所有矣

倍直所得僅周三冢埋井大封拜哭而去迨至乙卯公

復奉懷遠以金剛口盡復其地以祖德懋而上德林德

超曾祖總皆塋東勝舉樞未獲艱於拜掃爲封虛宅招

魂以祭遂如汴如懷如河陽如絳氏鎮遍收遺骸以齒

屑之曰泰德超長子忠勇校尉驍猛軍中副千戶贈游

騎將軍夫人李氏願少中第四子忠顯校尉福昌將作副使夫人張氏封安定縣君再娶陳氏晉少中第五子昭信校尉同州軍事判官夫人彭氏封安定縣君公之考妣惠少中第六子妻張氏口德超中子妻張氏慶季子早卒升昭毅大將軍鎮守潞州都元帥左監軍兼行京西路軍民招撫使夫人任氏再娶李氏白氏李氏解氏賀氏曰思謙忠勇子徵事郎監尙口局事夫人楊氏思敬忠口子緱氏鎮酒監平公昭毅子早卒凡二十有四於十月二十三日大葬先塋時懷遠口君已七十九矣明年丙辰以公手植栢二百五十株創垣以限樵牧

塋餘田以食塋守往復四期圖功攸畢反命寧止是歲
己未五月一日府君終於汴享年八十有三累官懷遠
大將軍鎮守河中漢軍都萬戶行陝州行軍副都統軍
使後某日公偕其子思彬奉喪歸祔先塋之第二代中
統癸亥八月九日渙之子思義武陟令卒于懷後某日
夫人申氏奉喪祔于第三代之行公居家在官律已接
物謹愿淳恕懷德畏威罕居城市絕蹟官府雖樂施鄉
鄰而有缺開戶金之未亡也以廕補官進義修武歷橫
水白波酒監國朝尙鄉鎮三司使大使惟正是取第求
無墮竊非所願也劬躬稼穡廣拓土田質後以本世秘

原缺

御史中丞行河東山西道肅政廉訪使夫人鄭氏思庸
中子曰伯直處士長子號耘叟妻王氏麟思忠長子早
卒思愿次子真定路在城三司使提領夫人劉氏孫氏
高氏中簡處士中子妻王氏李貞思彬長子仲素軍儲
中子址伯父仲一京山子址父仲耘中丞子曰圯耘叟
長子凡四世三十八樞於三月十二日壬午以昭以穆
咸葬新塋惟李氏祔懷遠墓中氏祔武陟令墓會葬後
二年至大改元九月三日乙未夫人柏德氏薨于汴二
年二月清明前二日壬午姪仲易承事郎濱州判官奉
夫人之柩附中丞墓清明後再閱月庚午塋口工部史

自口江奉其父奉政大夫行都水少監公問泊夫人二
李氏之柩歸附于新塋之昭次公口處士之季也愷妻
張氏權殯舅姑前左且請易誌爲表附載會葬之本末
蓋公於先塋爲第三代而新塋則二代之穆矣二子仲
恭仲謀公之昭也與其宗支姓源出缺業之詳見於家
牒碑銘旣復掇遺件右以表公之德而又次第附載柏
德夫人不死其夫中執法之仁嗚呼懷遠白波之伯姪
所謂吾無間然者劉禹錫稱史孝章博陵崔氏僕射之
喪自沒竟至葬當門戶備祭祀建碑表皆崔氏之能以
予觀之在夫人爲餘事爾祖作於前孫述於後詩曰惟

其有之是以似之址也有焉又曰民之秉彝好是懿德
雖大書特書不一書而足敢以憚煩辭乃爲銘曰

南山嵩少北太行懷之河內洛金昌生也信美死允臧
黃流奔猛一葦杭公之先世茲所藏陵谷變口失堂房
俯仰如故孰主張補天餘烈芝口芳瞻雲遙遙曠蒸嘗
還形口地魂無方首邱知本不可忘遍收旅骸無遺葬
曰達可暨仁乃常河東有志賁黃腸寒盟遲尋墮微茫
閨門之秀男子剛夫士猶存人未亡先後克荷藐諸郎
再舉四世會九京博陵匪直僕射吏老栢黛色參天長
同生玉立森白楊兩塋奕奕連輝光積善之家有餘慶

會見興者復大房麒麟臥高邑作旁公乎來歸安故鄉
礪山帶河銘有章千秋萬歲永無傷

前國子監助教馮景道書丹天厯二年歲次己巳夏五
月二十有二日戊寅孫婦何氏同女蕙蕙立石

億

案碑載程氏世系規置遷葬事頗詳著惟程震碑
旣言少中大夫而此碑前云太中震又云太中弟祔
焉又云贈太中大夫震又云恩溫太中子數稱其官
皆言太中蓋震積官至少中大夫而後乃加贈爲太
中碑各據其實言之皆爲可依然遺山所撰程震碑
自應爲少中以其時尙未加贈也金石攷云程氏先

塋尙有雷淵王思廉所撰碑今攷墓碑有三一程震碑爲元好問撰一程思廉碑爲王思廉撰一程思茂碑爲尙野撰無所謂雷淵者金石攷殆以震碑內雷內翰淵述世德之舊一語因附記之遂涉誤也

復案程思茂表墓碣銘翰林直學士奉議大夫知制

誥同修國史尙野撰翰林修撰從仕郎同知

缺兼國

史院編修官鄧文源篆額元史列傳尙野至大四年

拜翰林直學士知制誥同修國史與碑題銜合惟畧

奉議階不書鄧文源至大元年復爲修撰其階與兼

官亦未之及至碑載思茂上世四遷中有始居豐徙

金石遺文卷之十三
振武亦較思廉傳爲詳思廉遭亂崎嶇訪其先塋收
舉遺骸悉歛以葬蓋獨行之尤史不爲立傳非此碑
曷由知之碑載葬緱山索孝原及思敬爲緱氏鎮酒
監縣志于古蹟職官內失載採緝之疎也

偃師伯王輔嗣之墓

補

存八分書在縣東屯

翰林待制吳炳書元統二年冬十月偃師縣尹時禎
立石

中州金石記云題云偃師伯王輔嗣之墓按水經注
載王陸詩敘機初入洛次河南之偃師時忽結陰望

道左若民居者因往逗宿見一少年姿神端遠與機
言元機服其能而無以酬折前致一辨機題緯古人
綜檢名實此少年不甚欣解將曉去稅駕逆旅嫗曰
君何宿而來自東數十里無邨落止有山陽王弼墓
機乃怪悵還睇昨路空野薶雲攢木蔽日知所遇者
審王弼也太平寰宇記云墓在縣南三里一統志云
在縣城東今有題碣可證或宋治非今治也

補

授堂金石文字續跋魏王輔嗣墓碣右題八分書大
徑四寸文云偃師伯王輔嗣之墓翰林侍制吳炳書
元統二年十月偃師縣尹時禎立石元史文宗紀至

順二年特命河南儒士吳炳爲藝文監典簿仍于對品階卽此書碣人也歸賜傳賜汴梁人力拒不從賊賊敗汴賊者皆獲罪賜獨免同里有吳炳者嘗以翰林待制徵不起賊呼炳司卯酉歷炳不敢辭時人爲之語曰歸賜出角吳炳無光賊爲范孟當後至元五年十一月炳始末可見如是漢淮源桐栢廟碑亦稱翰林待制浚儀吳炳重書子嗣昌填摹上石今按紀稱河南浚儀舉古名河南卽當時省名書之耳朱竹垞桐栢廟跋云歐陽氏謂其文字斷續而是碑甚完好疑爲後人重摹蓋吳炳嘗重書竹垞未見後題也

修魏王輔嗣墓碑陰記

存正書元統甲戌十一月在縣東屯墓前

儀封時公希顏假令偃師之明年治政聿新百廢具舉

服日謁境內前賢塋域雖遺蹟可考者皆莫能

缺

其的

惟邑城東距二里有冢巍而大直其南

缺

徐步

缺

途北

故石表在焉已顛仆斷缺辨其文識其爲魏王輔嗣先

生墓迺亡金忠顯校尉行河南府偃師縣主簿兼尉鮮

于淵所建書明昌四年八月望日也公視之懼久浸滅

卽謀諸僚寮易以貞珉勒示悠遠監縣

缺

判簿

和

典籤

章口同聲縱與不日而成之先生諱弼輔嗣其字也初

與鍾會並知名好論儒道才辭辨逸家于山陽川何晏
薦爲尚書郎一時名流咸異其精達年念四卒嘗註老
子尤專易學列彖象立訓傳探微索隱文旨幽遠其書
顯行於世用是後封偃師伯從祀吾夫子廟廷今時公
復刊著姓字標其邱壠俾世之景行先哲者知有所葬
敬云元統甲戌冬十一月至日河南陳思忠誌

案復

案碑陰記河南陳思忠誌文云魏王輔嗣先生墓

金忠顯校尉行河南府偃師縣主簿兼尉鮮于淵所
建時明昌四年八月望日蓋輔嗣墓地轉訛所起自
金已然鮮于淵爲簿此縣獨知題封先儒塋域雖傳

誤無害也淵署銜主簿兼尉金史百官志中縣而下
置丞以主簿與尉通領巡補事下縣則不置尉以主
簿兼之據是則偃師于金爲下考沿革者所宜辨焉
請詮公長老疏

補

存正書元統三年正月在永慶寺

偃師縣勸請詮公長老住持緱山永慶禪寺爲國焚修
祝延聖壽無疆者竊以緱山勝地永慶名藍實嵩少之
要津迺西毫之上刹敬推賢哲士命作主人公恭惟詮
公長老少林後葉月照親傳氣象軒昂胸懷豁落叢林
遍歷非辭寒暑扣禪關保社周遊久涉春秋參祖道心

如明鏡機似走珠不墮功勲全無滲漏偏正縱橫得妙
變通敲唱忘規正好十字街頭邀迎衲子萬人叢裏接
待英流衆官僚具疏殷勤冀大士瓶盂穩掛龍涎香熱
仰祝北闕之尊獅子座登闌揚西來之意謹疏

元統三年正月 日疏

省除典史童口

河南府路偃師縣尉崔口

將仕佐郎河南府路偃師縣主簿和尚口

承事郎河南府路偃師縣尹兼管本縣諸軍奧魯勸農
事時口

河南府路偃師縣達魯花赤兼管本縣諸軍奧魯勸農
事唐委口

復案疏後題銜省除典史童河南府路偃師縣尉崔
將仕佐郎河南府路偃師縣主簿和尚承事郎河南
府路偃師縣尹兼管本縣諸軍奧魯勸農事時河南
府路偃師縣達魯花赤兼管本縣諸軍奧魯勸農事
唐委凡五人皆氏而不名惟縣尹時實爲時禎也王
輔嗣墓碑有元統二年冬十月偃師縣尹時禎立石
禎字希顏儀封人縣志職官表誤爲緱氏令不知元
時緱氏廢已久矣其他如典史崔及達魯花赤唐委

俱失載典史稱省除者官卑由行省委授故云然

古緱氏縣重修泰山廟記

補

存正書元統三年十月在緱氏本廟

後學賈昌文撰

省除望江縣儒學教諭王

缺

夫禮祀名山始多子轅后及帝巡狩至方岳燔柴告

缺

而祭

缺

三公視五嶽然必稱岱宗爲首以其處東北寅

丑間

缺

之所爲宗於衆山故也凡易姓受命報功告成

東封其上

缺

元十三載錫以天齊王爵宋真宗遂加之

帝號故其祠宇

缺

方下洎黎庶祈報者咸享焉東周古

緱氏縣之廟五季末

缺

者初捐貲買地而建之宋祥符

天聖元祐間繼而修復恢

缺

王守福也前金承安泰和

之際斲斲石柱備增其功者女

缺

也由此而降迨今閔

歲餘百棟撓梁壞風雨弗支貌毀壁圯

缺

三門六殿密

屏迴廊崇深宏偉冠于他州者不能存其十一

缺

衆曰

茲廟之置其來永矣吾儕每值旱乾水溢則致禱于中

缺

稔皆靈貺也其正寢崩敗若斯表敬無所縱不能改

作寧無

缺

而和者百有餘人遂鳩材協力徵匠口工材

木撤去其朽斲

缺

丹雘華彩絢爛改塑神容冠被儼肅

升其堂如登天門之高

缺

之表是功也興于皇慶癸丑

至延祐丙辰三月甫落其成衆

缺

余以桑梓之故辭有

弗獲因諗于衆曰泰山之雲膚寸而口不

缺

下沉其神

之精爽乎苟存誠以感之則其應也有不疾而速不

缺

子之衆于斯廟也不旣誠矣乎推是道也往尊其親弟

其長而

缺

神休曷其有已不然眩其土木壯麗而謝神

專在是豈理

缺

樂書以告來者元統三年十月望日立

石

復

案記言口元十三載錫以天齊王宋真宗遂加之

帝號宋史禮志真宗還至河中

云

五月乙未加上

東嶽曰天齊仁聖帝是其事也又歷敘廟自五季及

宋祥符天聖元祐金承安泰和興建增修迄元代興
於皇慶癸丑至延祐丙辰三月甫落其成蓋建置之
蹟可徵信如是而縣志陵廟不之及宜據以補遺

偃師金石遺文補錄卷十五終

邑人

徐

武穆

宣

方

丁

校

溪

偃師金石遺文補錄卷十六

邑人武億虛谷原纂

秀水王復秋膝續補

元

陳氏先塋世系之圖碑補

存正書至正元年七月在城南四十里蔣村里

高祖諱忠字居茂號茂行先生贈昭文館大學士正奉大夫護軍追封河南郡公諡昭懿娶張氏追封河南郡夫人

曾祖諱子安字子安壽七十九贈資德大夫中書右丞相上護軍追封河南郡公諡文康娶趙氏張氏並追封河南郡夫人從先塋葬北陳里三子

從先塋葬于真定路趙州寧晉縣金符鄉北陳里去口西約四里

伯祖諱祐字慶甫仕至浙東宣慰使號節齋

伯諱藥字唐卿仕至芍陂屯田萬戶壽五

名思口字景純口口口口

長名立字字道源扶憤

次名立

田萬戶壽五

陂屯田萬戶

將軍芍陂

壽五十六

十二贈口德

口口口大將

屯田萬戶

推忠秉義全

大將軍考陝

軍考陝屯田

五子

節功臣齊德

屯田萬戶輕

萬戶輕車都

大夫江浙等

車都尉追封

尉追封賴川

處行中書右

賴川郡侯諡

郡侯諡敬修

永上護軍追

敬桓娶二趙

娶趙氏封賴

封賴川郡公

氏並封賴川

川郡夫人三

諡忠定張

子

氏賴氏並追

名思桓字景

山二子

封賴川郡夫

名思允字景

廷二子

人望在河南

名思忠字景

和一子

府北洛陽縣

名思忠字景

長名百里

張莘村三子

通二子

名思謙字景

長名口里

次名舍兒

名思謙字景

讓文林郎淮

西道廉訪司

使一子

讓文林郎淮

西道廉訪司

使一子

西道廉訪司

使一子

使一子

使一子

使一子

使一子

使一子

使一子

使一子

使一子

使一子

使一子

名思遠字景

遠

名思德字景

壽

長名萬里

名思理字景

文

長名潛字仲次名無兒

名思通字景

淵

長名奴兒次名官魯

名思道字景

元承務郎同

長名毅次名寬

知平江州事

二子

名思義字景

庸

長名弘次名恭

名思敬字景

賢

長名虛

名思楷字

景明安定

長名敏次名顏

書院山長

二子

伯 誰皋字廣卿
仕至朝列大夫
慶元路治
中壽七十七
娶張氏追封
越川郡夫人
三子

名思正字景 長名惠 次名信

叔 謙與字周卿 仕至從仕郎 名思元字景

倚北海口口 壽六十八娶 質 名思文字景 長名口口 次名口口

熊氏四子 名思直字景 長名口口

名思孝字景 廉 長名舍童

祖 謙天祥字吉甫 仕至中書 父 謙孟溫字伯 沖仕至壽 名思中字公 建承務郎湖 長名口口字口 次名紹字 永志

右丞號嶽山 壽八十七贈 大夫同知太 常司禮儀院 廣寧行中書 管勾二子

推忠正諡崇 德佐理功臣 事壽七十九 娶高氏壽五 名允中字公

榮祿大夫河 南江北等處 十一再娶席 氏並封潁川

行中書省平 章政事柱國

鄆夫人口子

追封趙國公
諡文忠娶張氏
追封趙國夫人
壽八十
口住河南府
偃師縣南嘉禾鄉蔣村里
去嶽山寺東南約二里三

叔

諱叔口字伯

名口中字公

長

名粹幼啟

次

名綱

少

名紀

郎南陽府判官
壽七十八

名執中
字公實無嗣

娶張氏王氏
並封恭人二

子

叔

諱口恭字伯

名敏中字公

長

名口童

次

名口童

次

名登童

所屬不仕而卒
壽四十八

彦六字

名龍立

次

名登童

娶周氏李氏

名大中
字公裕二子

長

名口口

次

名龍童

億

案陳氏世系以碑所列証之于史其可見者陳祐

之祖曰忠碑載忠字公茂號茂行先生贈昭文館大

學士正奉大夫護軍追封河南郡公諡昭懿祐本傳

云祖忠博究經史鄉黨皆尊而師之既歿門人謚曰
茂行先生按碑但云號茂行史竟以爲門人私謚恐
涉誤也忠之子曰子安祐之父也以碑攷之贈榮祿
大夫中書右丞上護軍追封河南郡公謚文康兩世
皆由祐貴追贈然昭懿文康亦皆追謚此元制寬于
議謚如此子安二子長卽祐碑載祐字慶甫號節齋
仕至浙東宣慰使與本傳同傳言祐能詩文有節齋
集然則碑云號節齋者其集卽以號著名也祐旣遇
害傳言詔贈推忠秉義全節功臣江浙等處行中書
省左丞追封河南郡公謚忠定父老請留塋會稽不

得今碑載贈推忠秉義全節功臣資德大夫江浙等處行中書省左丞上護軍追封潁川郡公較之史微有詳畧而河南郡公則其上世所追封不若今碑列潁川郡公之得實也祐子有三碑云襲芍陂屯田萬戶與傳同惟贈輕車都尉追封潁川郡侯傳從畧不書臯碑云仕至朝列大夫慶元路治中與傳所列昌國州知州者全不符此當以碑爲正至如爽以傳言之侍儀司通事舍人而碑言仕至從仕郎倚北海下漫漶不可識孫思魯襲芍陂屯田萬戶與史合其追封潁川郡侯謚敬修史則未之及祐之弟天祥傳言

居近緱氏山因號曰緱山先生碑惟言號緱山而已
又碑載壽八十七贈推忠正誼崇德佐理功臣榮祿
大夫河南江北等處行中書省平章政事柱國追封
趙國公諡文忠案之傳文其畧固已自見至於壽八
十七而傳言年八十崇德佐理傳又誤爲全德皆失
考也祐之墓在洛陽張羊村天祥墓在偃師縣嘉禾
鄉蔣村里在蔣村者墓地已爲人侵沒獨數塚存焉
而洛陽之張羊村其墓尙不可考噫嘻悲哉碑載世
系自祐與天祥而下列及四世蓋于譜牒所錄獨詳
且明而又示諸永久如此予敢証其有關於史者其

譜圖亦附別錄使世知所倣也

帝師法旨加號達本長老爲慧光普應大禪師住持永慶禪寺勦蹟之記

補

存正書至正二年八月在緱氏永慶寺

緱山後學賈昌文撰

承事郎河南府路偃師縣尹兼管本縣諸軍與魯勸農事王棟題額

承事郎廣平路前威州達魯花赤兼管本州諸軍與魯勸農事乃達而海牙書丹

寺名永慶其來久矣在宋時諸帝陵寢皆以永名改芝

山縣作五品之軍名永安命此寺爲永慶皆與山陵同名其寵異之意槩可見矣自爾來累經兵火焚蕩當時盛觀鞠爲焦土所存者遺址耳我朝旣定河南隴蜀諸郡雪庭長老爲釋教宗師領天下都僧省開少室山住祖庭以永慶爲解衣鉢命其徒相繼修理或菴主或長老歷三五人或特建正殿或造法堂或但作僧舍而止其餘造作心競進而力常不給天歷初又值西軍擾踐數年虛席至元統二年有詮公長老號達本禪師者始入住持廩無旬月之儲其庫則罄如也師規畫有方不三二歲錢帛足用置瀕後溪地作蔬圃叁拾餘畝日出

數千文齋供常用外歲積有餘乃重修法堂方丈庫室
雲堂僧舍內外三門創建東西二殿西塑觀音東供伽
藍又繪歷代住持真容於觀音像之兩偏若拱向焉至
於井欄起亭香積改貫凡有敝者無不更張大小殿宇
皆丹漆戶牖綵飾椽簷朱碧晃耀燦然一新詣寺者無
不心悚然而興敬焉有功德主袁元帥之孫才卿諗于
衆曰達本於寺興二百年久廢之功一旦煥然百廢俱舉
使一衆安居暇食無飢冷之憂得專意焚祝者達本之
功也可不具文石以告來者乎衆意僉然詣予門請記
予曰佛法以色相爲空視膚體爲外物其名功蓋漠然

無罣碍於心今師之於此早暮經營不惟功之成而欲
寺之興不務名之稱而欲教之行也是各有志焉俾農
工貨易者皆興景慕各事其業早暮孳孳不懈則衣食
足盜賊息而禍亂不生矣惟其有是善也故勉爲之書
助緣者老人高龍保欽差侍衛親軍奧魯萬戶僧家奴
索保王子中功德主袁才卿楊福楊青

本鎮賈洪道劉社長胡社長葛德昌馬良輔康文秀李
仁輔王子善蔣仲玉龐彥中王大舍陳德中焦延清馬
中溫卞士敬馮起先孫孝先

至正二年八月吉日

授堂金石文字續跋達本長老勤蹟碑碑前題稱帝
師法旨加號達本長老爲慧光普應大禪師元史釋
老傳八思巴卒賜號皇天之下一人之上宣文輔治
大聖至德普覺真智佐國如意大寶法王西天佛子
大元帝師後其徒嗣爲帝師元貞元年又更賜雙龍
盤紐白玉印文曰大元帝師統領諸國僧尼中興釋
教之印然則達本所由得號當以帝師加之也傳稱
帝師之命與詔勅並行于西土今以此碑所云法旨
其崇信又不獨西土爲然而文記達本修復寺殿推
爲百廢具舉達本信其教法之善護持者與又云寺

名永慶在宋時諸帝陵寢皆以永名芝田縣作五品之軍名永安命此寺爲永慶皆與山陵同名宋史地理志永安亦奉陵寢景德四年升鎮爲縣無言以帝后陵所在命永安爲軍方輿紀要永安城在縣西四十里宋太祖昭武帝葬于此曰永安陵景德四年割鞏偃師二縣置縣以奉陵寢後爲永安軍亦未言置于何時攷徽宗紀政和三年三月戊辰升永安縣爲永安軍又牛皐傳孟邦傑復永安軍翟興傳金人犯河陽鞏縣永安軍孟邦雄墓志言葬于永安軍芝田鄉蘇村之原當僞齊阜昌四年卽紹興甲寅也錄此

以爲志文舉遺補

復案宋史地理志永安赤奉陵寢景德四年置方輿
紀要景德四年割鞏偃師二縣置縣以奉陵此皆續
跋所據予攷宋朝事實原註景德初析鞏縣偃師緱
氏登封縣地置縣曰永安以奉陵寢較紀要所載鞏
偃師者爲詳又前題銜承事郎河南府路偃師縣尹
兼管本縣諸軍輿魯勸農事王棟題額縣志職官表
誤爲緱氏令宜據改碑稱袁元師卽延祐二年施地
狀據碑所云總帥袁成是其人也

請詮公住持浮山崇聖禪寺疏

補

存正書至正二年九月在緱氏永慶寺

偃師縣衆官員疏勸請詮公長老住持浮山崇聖禪寺
爲國焚修祝延聖壽萬安者伏以禪分五派誰家非達
摩兒孫焰續千燈到處是少林境界恭惟詮公長老用
著大量而包納放開手段以住持庶緱山祖刹之中興
滿偃師宰官之外護種田博餽蔣村有地藏之遺風面
壁求人乳峯實祖師之舊隱休生二想願作一家接十
方雲水之高僧祝一人萬年之聖壽謹疏

至正二年九月 日疏

省除典史劉口

河南府路偃師縣尉樊口

登仕佐郎河南府路偃師縣主簿鄭口

承事郎河南府路偃師縣尹兼管本縣諸軍奧魯勸農
事王口河南府路偃師縣達魯花赤兼管本縣諸軍奧
魯勸農事塔海口

復案疏後銜名省除典史劉河南府路偃師縣尉樊
登仕佐郎河南府路偃師縣主簿鄭承事郎河南府
路偃師縣尹兼管本縣諸軍奧魯勸農事王河南府
路偃師縣達魯花赤兼管本縣諸軍奧魯勸農事塔
海縣志職官表令有王棟簿有鄭斐當卽此二人與

史劉尉樊達魯花赤塔海未採入

奉訓大夫秘書監丞陳君墓碣銘

存正書至正七年正月在縣南蔣村陳氏墓前

從仕郎

缺

修國史

缺

史從元思中撰

顯曾祖諱子安字子安贈資德大夫中書右丞上護軍
追封河南郡公諡文康曾祖妣張氏追封河南郡夫人
顯祖諱天祥字吉甫贈推忠正誼崇德佐理功臣榮祿
大夫河南江北等處行中書省平章政事柱國追封趙
國公諡文忠號緱山祖妣張氏追封趙國夫人顯考諱
孟溫字伯冲嘉議大夫同知太常禮儀院事致仕妣高

氏贈潁川郡夫人妣席氏贈潁川郡太夫人君諱思中
字公達其先世居趙州寧晉縣因顯祖趙國公徙于河
南遂家焉君儀表嚴肅性行溫雅鄉里以善人目之至
順三年二月廕父官補太常禮儀院太祝階承事郎陪
祀清廟稔習禮度凡執事悉盡其誠恪元統三年六月
轉承務郎湖廣行中書省承發架閣管勾職優政簡遵
家範以清白自將滿攷遷奉訓大夫秘書監丞至正六
年三月祇承上命賫捧御香祀缺衡嶽暨南海王廟至
十一月還抵京師不幸是月十九日遘疾隕故享年五
十有二識者靡不痛惜喪旣歸洛陽以至正七年正月

三日徙于偃師縣蔣村先塋之次君自少有孝行甫冠
失所怙事繼母終身無間言待母弟元中極其友愛娶
張氏封洛陽縣君子四人長曰繼次曰紹俱先君卒次
曰泰亨次曰永貞皆幼余君之再從兄 缺 元中弟悲哭
以墓銘爲屬遂哀悼而銘曰

襲祖考

缺

之業今遇乾坤清泰之時衆期其翱翔于雲

霄兮命胡爲乎而遽止于斯臂猶駕車將通萬里兮及
中途俄馬敗而輪墮賴有少 缺 嗣續其後兮庶幾俾廢
絕不至于已而

復

案天祥本傳累贈推忠正義碑作正誼誼義古通

用天祥塋在河南府偃師縣嘉禾鄉蔣村里又洛陽
張羊村陳祐墓地府志及縣志並闕錄

偃師達魯花赤鎖弼公去思之碑

補

存正書至正七年口月在城內壽聖寺

嵩東後學陳達撰

我元德暢九有際天薄海治仍古郡縣而百司庶府基
布星列每正貳之上以國人一員總之猶古之啓監焉
缺也弭暴亂缺之鉅典也其職也重非才者不得造焉
其位也口非深者不得廁焉備才德而用之所謂官不
必備惟其人者缺或口用而猥蹟萬狀者常平毛口偃

師監邑鎖弼公可謂稱是任矣善政弘多謳歌載路及

瓜而代邑人欲遺之財難以私之或有攀轅截銍缺之

思不能自己缺寺住持僧藏山泊邑之耆老丁德輩萬

口一談同議以公之德政願文諸石以傳無窮不亦可

乎咸曰然遂具其事缺求以紀其事曰我監邑公色目

氏洛師才子搢紳異儔世以清白傳暨在任之日門不

受私不可妄干賄賂不行請託不通律已廣而處事缺

才德有餘治大邑若烹小鮮裕如也善政多不能殫述

常服其父訓賣業給費日毋侵爾吏毋漁爾民廉以律

已可以事君公以此訓銘缺參前倚衡昭昭在耳目聞

未嘗失墜性聰敏遇事敢爲僚佐服其能吏民感其德
息訟弭盜尤其善政有僧與民訟田者連年不決公星
缺相其然而決其直曲遂服兩爭之心以絕其訟其它
訟婚姻田土以公而決者居多凡民之爭辯冤枉若大
若小無不待公而明以服其心於是缺能凡有難處之
事必委公以區處之至正四年秋九月盜起歸德河南
省差公以靖之公願口兵口弭盜方口不事殺而盜自
息明年春三月以缺大雨伊洛暴漲本處地面漂沒收
千家人民畜產十喪八九公文差口監濟本縣饑民遂
全活數萬人又憲司所委事件處之皆當其理至後河

南郡凡有不了公事皆委公以理之如此十餘宗又明年瓜代而遷無可報塞願敷颺其美頌以發吾輩不忘之情不亦善乎余聞公於已者必公於人未有不公於已而能公於人者公以國人當是國選才口口代德可化人守身廉而處人已也公爲善者天報順民者人思全是才德口口口儀天朝澤及天下在此道也豈止事一邑哉口其言目其行之詳矣僕雖不佞上以發監邑公之善政下以口與人之勝意效顰學步者之所願欲也缺之所甘心也豈敢多讓公父八刺古者以口國言蹟其行事可謂青山於藍而冰出於水也宜按其實

而頌之頌曰

公之在任德化人孚才性超卓閑而且都吏畏其威民懷其惠僚佐服能讓其善治弭盜息訟政洛有方廉以律已父訓是常門無私謁妄干者畏冰蘖其操無情者退歸德妖賊賴公以除伊洛漂民賴公以蘇教養交備一邑之天列之貞珉求永其傳至正七年口月吉日

復

案鎖弼去思碑首云我元治仍古郡縣而百司庶府每正貳之上以國人一員總之猶古之啓監焉元史百官志牧民者曰路曰府曰州曰縣其長則蒙古人爲之而漢人南人貳焉碑稱以國人一員總之是

其職也碑載至正四年秋九月盜起歸德明年春三月大雨伊洛暴漲本處地面漂沒數千家人民畜產十喪八九二事亦不見于五行志皆史未悉及鎖溺嘗監是縣而設施多可稱紀非此碑莫由知已又云我監邑公色目氏洛師才子元時蒙古色目人隨便散居哈刺解寓于郊哈刺魯公寓於汝

並見今得鎖石刻

弼又其一矣

修朱太尉神祠記

補

存正書至正八年七月在治東十里五龍廟

大元國河南府路偃師縣孫家庄保有新修廟壹所卽

僊信嶽行宮內有關王朱太尉二神春秋二祭不曾闕
於香火年年豐稔深蒙雨露之恩居民得其龍潤無不
感於神慈鄉人王國聚重陽月夢其太尉尊神言曰你
是金石你與我廟內安一勘石其年深無人知是廟宇
王國聚應答神語鐫刻名爲記

至正八年孟秋月中旬日立金石人王國聚

管事人蔡社長徐社長張顯卿曹禮卿王君玉王成甫
復案記稱大元國河南府路偃師縣孫家庄保元史
地里志河南府路領偃師記所稱是也惟孫家庄保
當卽今孫家灣灣內有潯溪潯轉作孫亦猶荀卿之

爲孫卿而土人習稱之訛不知其在元代已有孫家
庄矣記石現置今五龍廟蓋土人因後溝五龍神祠
移于此以記證之實元岱嶽行宮也

故資善大夫燕南河北道肅政廉訪使伯顏忽都公之
壙

存正書在縣東三里今移明倫堂

長男文林郎歸德府同知亳州事安住次男承直郎
中書戶部員外郎月魯立至正十三年夏五月日

洛京緱山改建先天宮記

存正書至正十五年仲春在緱山下先天宮

真大道門人崇道廣演大師休菴老人前進士杜成
寬撰

錦山張瑜書丹篆額

原夫否極泰來宜元化從此而再造乾旋坤轉當皇猷
於是以重亨使羣生復覩於淳風俾萬姓咸躋於壽域
洪惟太上金闕元元老君爲造化本根作元黃父母胚
渾二氣化育三才居太初太易之前處無象無形之內
體希夷而莫究道眇邈以難窮千古楷模百王軌範道
書畫卦爻由聖智之所爲毀穴焚巢端自神功而攸致
定四時而明五運分百穀而正萬機興農桑養育於黎

元置兵甲却攘於兇醜布蔭於普天之下垂庥於率土之濱明四目而達四聰敷五教而立五事四罪咸服五典慎徽地平天成道行化洽漸見性情之逐物乃談道德之真經欲移澆薄之風令返真常之域導之以百行萬善檢之以三綱五常庶乎自忠信孝悌而悟底於修齊由仁義禮智而還歸於道德其奈去古日遠望道日微法令雖張巧偽彌盛以利祿功名爲事業以富貴矜泰爲尊榮或言行道而化人翻成矯世而銜俗或以咒術而爲救治或川符法而制妖邪以齋轉爲行持以燒鍊爲修養是皆舍本而逐末安能成道而證真惟我祖

師東嶽真人劉君生居滄州樂陵縣之北界首以愛敬
事母以清靜處身端由正念之克存乃感聖師之臨御
復駕青犢來抵其家授以宗乘傳以經筆俾興大道之
正教以度末世之黎民其教也本之以見素抱樸少思
寡欲持之以虛心實腹守氣養神及乎德盛而功成乃
可濟生而渡死以無爲而保正性命以無相而驅役鬼
神行教三十八年住世五十九載以法傳付二祖大通
真人陳君二祖既掌天權引宣祖度人罔極設化無
方闢教垂一十五年法壽則莫得而識以法傳付三祖
純陽真人張君三祖稟質不凡行法好古敷宣聖教克

尙先師處世五十五年闢教二十五載乃以教法傳付
四祖元陽真人毛君四祖見性達聰罔愆成法心厭塵
世不永斯年掌教五星有奇得年三十八歲復以教法
遜與五祖太元真人酈君五祖當教之日值大元立國
之初法令未行逆魔亂起始終一十五載遭逢十七大
魔以五祖道德崇高威靈顯赫魔不勝道尋乃自平自
戍戍以來化因以洽南通河嶽北極燕齊立觀度人莫
知其數真人尊太元之號教門得真假之分闢教三十
六年享壽七十八歲將法傳付六祖通元大師孫君六
祖得法之後德感宸旒名聞朔野君王眷顧卿相主持

秉統轄諸路之權受通元真人之號嗣承宗教轉見輝
光敷化一十五年享壽五十六歲於至元癸酉四月念
二日以微疾而終雖與歷代同示坐亡其應現威儀比
其他有異於預先七日將法傳付七祖願真大師李君
其傳受事意又極昭彰道俗官民咸稱殊異七祖得法
之後宣授統轄諸路賜願真體道真人名號有河南路
洛京提點舉師杜公德元來詣師堂告曰德元所住之
府店緱山乃周靈王太子子喬仙君飛昇之地也始荆
原廟賜號寶天時有前朝就爲觀額廟處仙山之末觀
居緱嶺之阿殿堂房屋有四百間受業之徒莫知其

數屢經劫火焚蕩一空至乙巳年間得本里官民楊彈
壓王彈壓及庄院人等具疏屈請本教道入楊德元住
持此山以奉仙君爲祝聖所祥之地屈于丙午蒙先師
五祖真人法旨令德元與尊宿老大師李德甫引領徒
門鄺德和侯德寶等同來偕楊德元住此啟修真開化
之途繼承師命賜德元紫衣明照大師號補作法師隨
卽陞充保舉仍賜楊德元爲紫衣清和大師遷以法師
之職迄六祖真人掌教割差德元爲河南路提點舉師
楊德元充執本路道錄職事仍就此山爲開教化人之
所德元與楊德元等同志協心經營起造躬持畚鍤親

執斧斤開撥荆榛驅除瓦礫鳩工作址命匠掄材二三
歲間方有倫序真聖之堂再葺仙君之廟更新廟廡潔
齊齋廬成辦旣營廡庫乃建房廊內觀則丈室尊嚴外
望則宮門整肅粵自結茅而立道至于築室以墾堂補
故作新奉真安衆旣成其事上白元師乃告于王遽然
獲旨鼎新革故改觀爲宮卽作賓之嘉名以先天之美
號爰從朔始迄至于今荏苒光陰垂三十載惟大道光
亨於此日化仙君丕顯于茲辰聖師開聖教之端宗主
嗣宗門之法諸功德主作成之力大福德人護法之功
存歿之得道淨流新舊之運以法侶同成勝觀共結良

緣又皆能竭力於教門孰不欲垂名於後世原聽宗師之法旨許令立石以紀元於是乎奉勞命於師堂屬衰翁而作記旣聞教語寧敢拒違不辭迢遞之三千勉力馳驅于一月幸令老朽得造神峯昔徒聞聖蹟之名今獲見靈蹤之實河南都府西洛王畿故邑永安今同輩縣四水灣濶於帝里輩出碩儒羣山擁簇於仙巒宜招羽客北邙隱映謾興千古之思嵩嶽崇高當致萬年之祝還來府店瞻望高岡茂林擁鬱於煙霄獨岫巍峩於星漢欲登山而禮敬乃取道以躋攀路傍之殊異百端草內之希奇萬狀蟠根出土宛然伏爪之虬怪石隱叢

允若藏牙之虎雲霞映日猶存跨鶴之形容檜栢吟風
尙擬吹笙之聲韻豁登絕頂快覩宏門入覲仙階欣瞻
寶殿軒檻晃丹鉛之色簷楹爛金碧之光始被掃除石
上之苔痕未沒纔經拂拭壁間之蝸逕猶存從此增修
將還舊觀想暮天黯淡月魄光搖玉石碑諒曉色朦朧
露華冷浸琉璃瓦卓冠於靈源洞府尊居於天上人間
百拜升堂三熏致敬環觀四壁霓旌絳節擁鸞輿載觀
兩廊錦襖繡衣乘寶輦金童侍兒玉女捧香算當時太
子之尊榮無此日仙君之富貴億年不老萬古長春閱
彼世凡寧無嚮慕還觀賓天之古觀煥然基構之新成

堂宇聳飛門庭祀級會真殿裏三清之聖像巍然祖師
堂中歷代之真容儼若信乎大道於是興行可不措辭
以光昭代成寬乃喟然嘆曰物待以顯爰有其時地非
福地不足以充斯道之光人非高人不足以爲名山之
主今也舉師乃光庭之芳裔法師實子雲之靈苗惟其
於大道有緣故來與仙宮作宰粵從經始逮至於今由
化度而成真證道者不知幾多人因救治而脫苦超生
者難以數目計較其行則不爲不至言其功則不爲不
多尙圖極力爲山惟恐功虧一簣不以斷酒戒色而便
爲達通不以除邪治病而便望成真更期理事圓明力

見性天豁落教後學每隨根器與小道不辯是非念凡
流總總不齊且只得循循善誘但教會得當頭句總是
崑山得寶人此道元微談之不盡是觀也前代以寶天
爲號今朝以先天立名天與道本自同元寶與先中存
深意寶天者言太子之功德隆重可以作上帝之寶先
天者言太子之神聖無方必能廣先天之道自是則太
上之至德要道運日月以無窮仙君之聖德神功並乾
坤而不替光天之號萬古不磨所憚者此道重興不從
高位傍門小法相與混淆加以齋戒精嚴家風清肅異
途殊俗絕物不羣以致常流多生譏誹其於正教故自

無傷痛嗟末世天民不得聞斯妙義轉歸迷妄難免沉
淪幸茲行教之高入深得太元之奧旨二流淨衆能守
規繩不將物欲役心專以農桑爲務以茲存念道必能
宏尙賴聖祖神靈仙君威顯充此道於國王長者有力
檀那敷化多方如風偃草使萬姓樂唐虞之化羣生歌
堯舜之年方知否極泰來以顯神功聖德信心檀越協
力賢徒雖功勞已在前文然姓名未能顯注敬當一一
具載碑陰道不負人必垂昭報乃爲之銘曰

斯道之大万化之原先天先地元之又元二氣胚渾是
爲太極杳杳冥冥宗於元一曰始曰元由茲立焉柔剛

仁義相須以全是爲三才開物成務若禮與智從而宣
布名之曰德用乃有爲法制巧僞皆本於是愈降愈下
日漸不古隨波逐流莫知所主天理斲喪人欲孔張大
哉至道日以淪亡救世度人恩惟太上深恐斯民終歸
迷妄乃爲宣演道德真經欲使末世復見和平人誦此
經莫究其理修身齊家蒙然不以以之治國可底康寧
至於天下道化復行其教簡易人皆莫識以致漂流淪
胥及溺邈哉大聖篤念斯人復以大道授於劉君見素
抱樸少思寡欲接物利生虛心實腹此乃修身之法兼
存濟世之功立此大本人莫能充身苟能修誠因以至

用無相之真機顯有爲之聖知至德及物至誠感神邪
無不伏法無不靈以無爲而取神效非小道所可比倫
以此名揚皎如星日化乃大行觀因以立繼祖效法曰
張曰陳迄於四祖毛君其人五祖鄭君大宏此道知德
之人咸來授教河南緱山王子登仙爰立觀宇號曰寶
光劫火洞然觀因以毀楊杜二公因而重起六祖孫君
一於王庭以大道故先天其名夫此仙山真爲福地突
然一峯聳於雲際萬株檜栢四季長青名山列峙圖畫
宛成會真有圖資天有記今此重新仙蹤可繼皇矣斯
道永劫綿綿真仙敷暢不可名言法侶精勤不違戒律

絕世妖氛除民病疾不求施利不事祈禳瞻道之計惟
務農桑質本真純不知修飾曉起夜眠衣糲食口口
口口爲其厲民今此正教不取諸人以道徇身至誠格
物貪慾嗔癡斷無染著化人入道亦取自然不圖利養
惟保心堅修進罔愆自期輕舉復以勲勞超度元祖羽
流修奉曉夕無忘香燈禮念習以爲常上爲君王祝嚴
皇祚保乂邦家延長歷數鴻基鞏固聖壽無疆更爲黎
庶集福延祥五穀豐登萬方寧牧疫厲不生刀兵不起
諸功德主大福德人宗門淨侶和協精勤口德興業旣
大且久併勒堅珉永傳不朽

金石錄卷之二十一
三
大元國至正十五年歲次戊寅仲春二十二日本官賜
紫悟真大師法師兼知宮事黃成仙副宮韓成道同立
石

億

案碑記題稱洛京攷之史志河南府唐故名東京
宋爲西京金爲仲京元之建國未嘗以京名也臨文
者或亦遷就書之與記旣出於杜成寬案其自題署
云真大道門人崇道廣演大師休菴老人前進士然
則成寬亦士流也元史釋老傳真大道教者始自金
季道士劉德仁之所立碑云惟我祖師東嶽真人劉
君生居滄州樂陵縣之北界劉君卽德仁也較史并

得其里居之詳又傳言五傳而至酈希誠居燕城天
寶宮見知憲宗始名其教曰真大道成寬號真大道
門人殆由於此然案五傳之文證之於碑劉君付二
祖大通真人陳君陳君付三祖純陽真人張君張君
付四祖元陽真人毛君毛君付五祖太元真人酈君
皆史所不及賴此知其傳法所自也傳言其教以苦
節危行爲要而不妄取於人不苟侈於已今碑云其
教也本之以見素抱樸少思寡欲持之以虛心實腹
安氣養神亦足與史文相證碑言七祖得法之後宣
授統轄諸路賜顧真體道真人名號據史言至元五

年世祖命希誠徒孫德統轄諸路由是推之碑稱李君亦宣授統轄則其徒黨益盛史不悉載也又銘內六祖孫君達於王庭史稱孫德福卽其人至後題河南府路洛陽縣姬磨司巡檢司典史杜著百官志巡檢司巡檢未見以典史屬之此司又有河南府路永濟倉使杜簡百官志京師永濟倉至元四年置今亦於府路諸倉並有此名志尙未備錄余故爲著之也後又列主簿兼尉路德儒者志稱民少事簡之地則以簿絕尉絕字誤依碑作兼爲正

中州金石記云碑云府店縱山乃周靈王太子子喬

仙君飛昇之地也始荆原廟賜號寶天時有前朝就
爲觀額廟處仙山之末觀居緱嶺之阿按班固地里
志云緱氏有仙人祠水經注云休水又逕延壽城南
自緱氏城也城有仙人祠謂之仙人觀太平寰宇記
云緱氏縣仙鶴觀在縣東三里當卽漢以來相傳之
廟矣續博物志稱天寶中太子陵仙鶴觀每年九月
三日夜有道士一人得仙張竭忠爲令不之信陰令
二勇士執兵覘之至三更有一黑虎入觀來銜一道
士於是申府請弓矢大獵石穴中格殺數虎其觀遂
廢爲陵使之居亦此地也碑爲五祖真人令杜德元

就山開教德元與楊德元經營起造而作蓋元時去

唐代漸遠人忘虎患而道教復興矣補

重修正殿題名記補

存正書無年月在緱氏太山廟

口口有廢尚懷建口之心神字將崩口口完修之意緱
山嶽廟岱嶽行宮風雨久口墻垣摧口瓦棟而口口捐
貲財重捨意緣發于虔誠功力崇口心本同于好善施
口口名謹列于左

同修正殿維那首長龐口樊天祿

捨財施主劉巨川

金蓮池記 補

復案記石正書無年代在治南雙泉砌置廟牆中鐫一道流修髯偉衣冠上列七言詩一署云張神童讚又七言詩一署云自作又有雲溪庵住持知觀邵德康立石及沖惠仁靜大師雲溪庵提舉諸字蓋爲金元間刻記石疑背尚有文字憚于發牆宇故略著其概金蓮池與雲溪庵亦可爲方志古蹟之補也附詩如左

占斷終南一洞天特來東海領諸仙只憑入聖超樊口種出黃金七朶蓮

張神童讚

一別終南水竹村家無兒女亦無孫三千里外尋知

友引入長生不死門

自作

懷歸金石遺文補錄卷十六終

邑人

徐

宣

方

于校